



MAX ex nobili familia Ebensteiniorum natus, atq; honestè educatus fuit. Is quamprimùm per ætatem fieri potuit, militaria studia elegit, atq; Caroli Cæsaris castra per Italiam secutus fuit. Ibi cum multa suæ fortitudinis documenta ædidisset, tandem peditum legionem duxit, & res sibi commissas magna dexteritate expediuit. In primis uerò contra Turcas in Vngaria feliciter decertauit, atq; Ferdinando regi gratissimus extitit. Cum hoc modò Lancigeris magna gloria diu præfuisset, tandem anno circiter 1541 in Vngarica expeditiõe decessit, atq; omnibus magnum sui desiderium reliquit, Georg. Rhod, equitum Magist.